



**A tū fedei, Signur, ne ven la vita nia tuta, mo trasformada.**

La ploania á tut comié da **Jep Palfrader** (+ 04.07.2017, 83 agn), por 28 agn alalungia mone de nosta dlíjia. Ai familiars va nostes condolianzes por la mort dal fre y berba. Che le Signur toli sö söa anima te söa abitaziun lominosa de ligreza y de pêsc!

**“I te cherdí con to ennom” dij le Signur.**



Con le Sacramont dal Bato ven tut sö tla comunité dla Dlíjia **David Moser** de Valentina Kehrer y Florian Moser.

La ploania d'La Pli i fej les miús aodanzes ai geniturs: che Idio, la Oma dal Ci y le sant patronn acompagneii osc möt con söa benedisciun y proteziun.

**1 enformaziuns y termins**

**Festa di mituns:** la Schira Jonila Val Badia y le Sorvisc ai Jogn met a jí **en dedolönesc ai 11 de iuli** a San Martin, te Chi Pinis, la „Festa di mituns“. Ales 10:00 sarál na santa messa y dedò, cina les 16:30, jüc y de vigne sort de „ciantuns creatifs“ por pici y gragn. Al ven ince dé fora da mangé y da bere. Por l'entrada él da paíé 13,00 € a möt/möta (partecipaziun a düc i jüc + marena). Düc é der bel enviés da tó pert. Tal cajo de bor' tomp ven la festa desdita.

**KVW Senioreclub:** en dedemesaledema ai 12 de iuli fajunse la griliada ete dal Lé dai Peiapesc. Dales 12:00 ennant vegnel pité aorela cörta y na bona marena.

**Biblioteca:** la biblioteca "Angelo Trebo" envieia de cör mitans y mituns en vendres ai 14 de iuli dales 15:00 te biblioteca a n domisdé con pastlené, stories y jüc. Ocio: l'entrada ala biblioteca é pa sen d'isté te plaza dla palestra sora la scora mesana.

**Ocio: le dotur Aldo Marcocci sará demez dai 17 ai 21 de iuli.** Empé de el sará le dotur Luca Galiazzo te so ambulatorio, ☎ 0474 501477 o 342 5181295.

<b>Döt le bun a:</b>	Franz Lois Erlacher, <i>Bellamonte</i>	09.07.1926
	Anna Ellemunter Erlacher, <i>Bellamonte</i>	13.07.1929
	Franz Pedevilla	14.07.1932
	Rosa Maria Kehrer, Al Plan	14.07.1942
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina al dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



**La predileziun de Dio por i pici de cösc monn**

☞ **Zac 9, 9–10 | Rom 8, 9.11–13 | Mt 11, 25–30**

**Dal Vangelo do San Mateo:**

<sup>25</sup>Te chel tomp á Gejú dit: I t'aprijeii, Pere, Signur dal ci y dla tera, ciodiche döt cant cösc ti aste ascognü ai sapionc y ai scichés y ti l'as revelé ai pici. <sup>26</sup>Scê Pere, ensciö t'ára plajü. <sup>27</sup>Döt m'é gnü sorandé da mio Pere; degügn ne conesc le Fi, ma le Pere, y degügn ne conesc le Pere, ma le Fi y chel, a chel che le Fi ti l'ò revelé. <sup>28</sup>Gnide düc da me, os ch'i se crüzieis y ch'i eis trep da porté. lu ves dará palsa. <sup>29</sup>Tolede mio ju sön os y emparede da me; deache iu sun bun y umil de cör; ensciö ciafareise pêsc por osta anima. <sup>30</sup>Deache mio ju ne druca nia y mio peis é lesier.

**I ponsun do**

*Ai gragn y ai potenc romagn la sapionza de Chelbeldio ascognüda, ai pici y ai debli se daürera sö. I "gragn" mina da podei se lascé sön söa sapionza y sön söa potenza. Ai se slüj ala scincunda de na vita nea.*

*Le picio endere sa che el enstes á les mans ötes y tol sö reconesciont les sciuncundes de Chelbeldio. Chel co ô veramonter dé ota, mess odei ete ch'al á les mans ötes.*



**Mio ju ne druca nia y mio peis é lesier.**

**I periu**

*Beldio, tö es dla pert de chi co spera en te. Dasse le coraje da afidé nosta vita a te y a to amur. Por Crist, nosc Signur.*

*Wilhelm Egger "Sonntagsbibel"*

☞ **Letöres dla 15. domegna ia por l'ann:**

**Is 55, 10–11 | Rom 8, 18–23 | Mt 13, 1–23**

Edema liturgica dai 09.07. ai 16.07.2017

<b>DOM 09.</b>	<b>14. domegna ia por l'ann</b> <i>Augustinus Zhao Rond y compagns, Veronica Giuliani</i>
<b>08:30</b>	<b>gran messa</b> por dōta la ploania, benedisciun dal tomp <i>oferta por i debojūgns dla ploania</i>
<b>▶</b>	<b>3. s.m. de sopoltōra por + Jep Palfrader, Mone corona dla comunité</b>
<b>14:00</b>	<b>funziun dal Bato de David Moser</b>
<i>10 y 18</i>	<i>s.m. a Al Plan</i>
<b>Lön 10.</b>	<i>Knud, Erich, Olaf, Engelbert</i>
<i>07:30</i>	<i>s.m. a Al Plan</i>
<b>Ded 11.</b>	<b> festa de San Benedet da Norcia</b> (patron d'Europa), Olga
<b>07:30</b>	<b>s.m.</b> por Jep y Paola Palfrader, La Pli <b>s.m.</b> por +ti Astner, Ciasanea
<b>Dem 12.</b>	<i>Hermagoras y Fortunatus, Sigisbert</i>
<i>18:00</i>	<i>s.m. a Al Plan</i>
<b>Jöb 13.</b>	<i>Heinrich II. y Cunigunda, Joel, Sara, Arno</i>
<b>19:30</b>	<b>s.m.</b> por + Jep Konrater y por +ti Leopold y Anna Erhard <b>s.m.</b> por +ti Maneschg, Casun
<b>Ven 14.</b>	<i>Camillus da Lellis, Ulrich, Roland</i>
<i>07:10</i>	<i>s.m. a Al Plan</i>
<b>Sab 15.</b>	<i>Bonaventura, Bernhard</i>
<b>07:30</b>	<b>s.m.</b> por +ti Lois y Tone Trebo, Zelé/Biei defora
<b>DOM 16.</b>	<b>15. domegna ia por l'ann</b> <i>memoria de Santa Maria dal Carmel, Carmela, Carmen, Elvira</i>
<b>08:30</b>	<b>gran messa</b> por dōta la ploania, benedisciun dal tomp <i>oferta por i debojūgns dla ploania</i>
<i>10 y 18</i>	<i>s.m. a Al Plan</i>

ampola: por la familia d'André

ministronc: ▶ da doman y domegna: Florian Rindler y Rafael Ellecosta  
▶ da sera y domegna: Chiara Willeit y Sara Willeit

i recordun: Paul Florian Erlacher, Unterwienbach + 10.07.2010

La storia dla creaziun, cuntada ai mituns (2)



Tal meterman êl sōla tera en gran sotissora.  
Endlunch êl ega y al ea na gran scürité.

Cösc ne ti plajea nia a Chelbeldio.  
Porchel âl dit: „Al vegni la löm!”  
T'en iade êl gnü en gran lominus.

Chelbeldio n'orea nia tó demez daldöt la scürité:  
ara dea ester dlungia le lominus.

Al á dit: “Löm y scürité dess se baraté jö.”  
Al tomp dal lominus ti ál motü ennom de,  
al tomp dla scürité di ál dit net.

A Chelbeldio ti sâ sen döt der bel y al â dit:  
“Cösc é bun ensciö!”

Dedô âl fat n gran ôt, o firmamont, sora la tera y a cösc ti ál motü ennom ci.  
Y al para desche cösc ôt y la tera s'azicass, enzai der dalunc.

Mo cösc gnêl ma enmont, deache le firmamont ea tan dalunc che an n'ea nia  
bogn da odei olá ch'al metea man y olá ch'al se roâ. Y cina al dedaencö n'án  
ciafé degün meterman y degüna fin, gnanca con l'aiüt de rachetes y barches  
spaziales.

Spo á Chelbeldio orü meter i nî sö tal ci che al â fat.  
Valch ea blanc y lesiers, d'atri ciarâ fora plü scürs y prigorusc.  
Da chisc nî podêl tomé jö la plöia o la nei.

Ensciö n'êl nia ma ega sōla tera, mo al gnea ince ega dal ci jö,  
y cösc ea der emportant por le plann che Chelbeldio s'â stüdié fora.

Chelbeldio â ligreza con le ci, co ea ia por le dé bel bröm y de net fosch,  
valiade êl ince plen de nî.

Y Chelbeldio á dit: “Cösc é bun ensciö!”

Gönne dir einen Augenblick der Ruhe und du begreifst,  
wie närrisch du herumgehastet bist.

Laotse